



Inatsisartunut ilaasortaq
Múte Bourup Egede, Inuit Ataqatigiit

**Aatsitassanut Suliffeqarnermullu Naalakkersuisup oqaaseqarnera pillugu § 37
naapertorlugu apeqquteqaammut nr. 2019-338-imut akissut**

01-11-2019
Sags nr. 2019 - 12504
Akt nr. 11998055

Asasara Múte Bourup Egede

Postboks 930
3900 Nuuk
Tlf. (+299) 34 68 00
E-mail: asn@naaq.gl
www.naalakkersuisut.gl

Inatsisartut Suleriaasianni § 37 naapertorlugu Naalakkersuisunut makkuninnga
apeqquteqarpitit:

**1. Aatsitassanut Suliffeqarnermullu Naalakkersuisup
ataatsimeeqateqarsimancerup kingorna oqaasii uku: "Ersarissumillu
timitalersuinissamut suliniutit assigiinngitsut oqaloqatigiinnermi
sammineqarluarput." Ersarissumik suliniutit
timitalersorneqartussat eqqartorneqarsimasut suppat?**

Ulloq 23. oktober 2019 amerikamiut nunanut allanut ministereqarfianni
siunnersortip T. Ulrich Brechbuhl-ip, amerikamiut Kunngeqarfik Danmarkimut
ambassadøriat Carla Sands kiisalu atorfilittat allat peqataaffigisaannik
ataatsimiinnermi, Aatsitassanut Suliffeqarnermullu Naalakkersuisoqarfiusup
aatsitassanut suliassaqarfiusup ilaani toqqakkani suleqatigiinnissamik
kissaateqarneq saqqummiuppa.

Suliassaqarfit, Aatsitassanut Suliffeqarnermullu Naalakkersuisoqarfiusup
suleqatigiiffingineqarsinnaasutut saqqummiussai, tassaapput:

- (1) Kalaallit Nunaanni aatsitassarsiornermi periarfissaqarfiusunik
ilisimasaqernerup pitsaanerulersinnissaa, aatsitassarsiornluni misissuinermut
aninggaasaliumalmersitsinissaq aammalu Kalaallit Nunaanni siunissami
aatsitassarsiornfeqalernissamik periarfissaqarfiusup
annertusitilluinnarnissaat siunertaralugit, ujarassiornermi ilisimatusarluni
misissuinerit.
- (2) Aatsitassanut paasissutissat suliarineqartarneri saqqummiunneqartarnerilu
pillugit misilittakkanik paarlaasseqatigiinneq.
- (3) Kalaallit Nunaanni aatsitassarsiornissamut periarfissaqarfiusup
ingerlatseqatigiiffinnut toqqartukkanut aammalu USA-mi aatsitassanik
nusitsivinni tamatigoortumik nittarsaassineq.

- (4) Ilaatigut USA-mi ph.d.-nngorniarnermut aningaasaliinerit aqqutigalugit aatsitassanut suliassaqarfimmi sulianut pikkorissuseqarnerulersitsinissaq.

Qulequttat matuma siuliani allassimasut, Kalaallit Nunaannut aammalu innuttaasunut nunatsinni najugaqartunut iluaqutaasumik Kalaallit Nunaanni aatsitassarsiornermut suliassaqarfimmi pitsanngorsaataasussanut, suliap ingerlaqqinneranut iluaqutaasussatut saqqummiunneqartut, pillugit isumaqatigiissuteqartoqanngilaq.

Tamatuma saniatigut Aatsitassanut Suliffeqarnermullu Naalakkersuisoqarfiusaq tuskagassiuititigut nalunaarutaa uani [www.naalakkersuisut.gl/kl-GL_ulloq 24](http://www.naalakkersuisut.gl/kl-GL_ulloq_24). oktober 2019, qulequtaralugu 'Aatsitassat pillugit naapeqatigiinneq' saqqummiunneqartoq, innersuussutigaara.

Inussiarnersumik inuullaqqusillunga



Erik Jensen